

光緒辛巳年重修

惠州府志

七

惠郡城北文昌宮藏板

惠州府志卷十七

郡事上

虞帝命禹定方物隨揚州入趙

爲揚水及卉服織州則惠爲揚州及卉服織跡未經

而厥貢金三品瑤琨篠簜齒革羽毛及卉服織貝橘柚皆南海物惠故鮮物產然多柚三品之金亦往往有之

周宣王二年命召虎疆理至

召公虎平淮南之弊疆理至于南海則惠實我疆我理而

說者謂非周職方地亦不考信于六藝之過矣

秦始皇帝三十三年遣任囂趙佗擊南越平之置三郡以

囂爲南海郡尉佗爲龍川縣令

按粵史記綱目俱作南越今因之○越在嶺徼

秦初遣屠睢伐之不克至是始平其後囂病亟授佗尉事佗遂舉兵塞道殺秦所置吏據郡以叛

漢太祖高皇帝元年趙佗自立爲南越王

十一年五月遣陸賈封佗爲南越王

漢太宗孝文皇帝元年遣大中大夫陸賈諭南越佗稱臣

奉貢

呂后時禁南越關市佗叛漢稱南武帝至是乃上書謝罪貢獻如故佗卒孫胡立

孝武皇帝建元六年閩越王郢興兵攻南越邊邑遣大行

王恢大司農韓安國擊之

南越邊邑卽佗初起龍川令時舊壤胡使人上書曰兩越

俱爲藩臣毋得擅興兵相攻擊今閩越興兵侵臣臣不敢興兵唯天子詔之於是天子多南越義爲興師遣兩將軍討閩越閩越人殺郢以降

元鼎六年冬十月路博德楊僕滅南越遂定越地爲九郡

胡卒嬰齊代立嬰齊卒子興代立興立呂嘉爲相國是時王及太后願內屬呂嘉不從乃與其弟將卒攻殺王太后國亂孝武元鼎五年秋遣伏波將軍路博德樓船將軍楊僕討平之自尉佗初王後五世九十三歲而國

亡本其興

實始龍川

隋高祖文皇帝仁壽四年秋七月流尙書柳述於龍川郡

述字業隆河東解人也以尚蘭陵公主攝兵部尚書文
帝寢疾述與侍郎元巖等侍疾宮中時皇太子無禮於
陳貴人帝怒因令述召房陵王述與元巖出外作軟書
楊素聞之與皇太子謀矯詔執述巖屬吏及煬帝嗣位
元巖坐除名徙述於龍川郡帝令主與述離絕將改嫁
口口口口口誓上表請免主號與述同徙帝大怒曰天
口口口口口子欲與述同徙耶主曰先帝以妾適于柳家
口口口口口口口坐帝不從主憂潰卒臨終上表曰昔
共姜自誓著美前詩郎嫫不不言流芬往誥妾雖負罪竊
慕古人生既不得從夫死乞葬於柳氏帝愈怒竟葬淇
瀆用資送甚
薄朝野傷之

煬帝大業十三年俚會楊世畧反據循州

唐高祖神堯皇帝武德五年楚王林士宏遣其弟藥師圍

循州總管楊世畧破斬之士宏降

初士宏據南昌虔循潮之地趙郡王孝恭

招慰降循潮二州至是士宏弟藥師乃以兵二萬圍循州世畧破斬藥師士宏請降

中宗皇帝嗣聖十八年

周武氏大定元年又改長安

春三月周流張錫

於循州

詳流寓傳

元宗皇帝天寶十一年流韓浩於循州

浩宰相休之子有學尚調萬年主簿

坐籍王鉷家貲有隱入爲尹鮮于仲通所劾流循州安祿山盜京師浩兄弟皆陷賊賊逼以官浩與弟洪渾出奔將走行在皆爲賊所殺肅宗以大子能死難詔贈浩吏部郎中

代宗皇帝大歷八年秋九月循州刺史哥舒晃反

十年冬十一月嶺南節度使路嗣恭克廣州舒晃伏誅

晃既

殺嶺南節度使呂崇賁遂反五嶺騷擾詔加路嗣恭兼嶺南節度觀察使嗣恭擢流人孟瑤敬冕使分其務卒之平

德宗皇帝建中三年貶趙縱爲循州司馬

事見張鑑傳載在建中三年事

後而未定著歲月按二年六月子儀卒七月以鑑同平章事三年四月出兼鳳翔節度使四年十月爲李楚琳所殺知縱貶當在三年矣○縱郭子儀婿時爲太僕卿爲奴告下御史劾治而奴留內侍省宰相張鑑奏言貞

觀時有人告其主謀反者太宗曰謀反理不獨成尙當有佗人論之豈藉奴告耶乃著令奴告主者斬由是賤不得干貴下不得凌上教本旣修悖亂不萌頃者長安令李濟以奴得罪萬年令霍晏因婢坐譴輿臺下類主反畏之悖亂成風漸不可長建中元年五月辛卯詔書奴婢告主非謀叛者同自首法并準律論由是獄訟衰息今縱事非叛逆而奴留禁中獨下縱獄情所不厭且將帥功孰大於子儀冢土僅乾兩婿前已得罪縱復繼之不數月斥其三婿假令縱實犯法事不緣奴尙宜錄勲念亡以從蕩宥况爲奴所愬耶陛下方貴武臣以討賊彼雖見寵一時不能忘懷於異日也帝納之乃貶縱杖奴死錮召子儀家僮數百暴示奴尸

憲宗皇帝元和十五年春正月貶李道古爲循州司馬

先是

憲宗詔天下求方士宗正卿道古嘗因皇甫鎛薦山人柳泌至是穆宗誅泌貶道古

文宗皇帝太和三年貶杜元穎爲循州司馬

事見蜀鑑

九年夏五月以仇士良爲神策中尉

士良興甯人詳雜記傳

貶段嶷爲循州司馬

嶷秀實之孫自鄭滑節度使人爲右金吾大將軍封西平郡公甘露之變

疑當誅裴度以疑忠
臣後請原其死故貶

貶竇紉為循州司戶叅軍

按甘露之變王涯被殺事同在十一月今於月皆闕之○紉宰

相易直之子妻父王涯被禍
宦官知紉易直之子得不死

武宗皇帝會昌三年夏六月內侍監仇士良致仕

士良興
南人

四年夏六月詔削士良官爵籍沒家貲

冬十一月貶牛僧孺為循州長史

按綱目分註與新唐書
本傳畧不同今從綱目

附註李德裕言於上曰劉從諫據上黨十年太和中人
朝僧孺與李宗閔執政不留之加宰相縱去以成今日
之患又使昭儀孔目官鄭慶言從諫每得二人書疏皆
自焚毀河南少尹呂述與德裕書言僧孺聞穢破失聲
歎恨德裕奏之上
大怒故有是貶

五年遣中使迎道士鄧元起於羅浮山

時道士趙歸真特
承恩禮諫官上疏

論之歸真自以涉物論遂舉羅浮道士鄧元起有長年
之術帝遣中使迎之由是與衡山道士劉元靖及歸真

堅排釋氏而廢佛寺之請行焉

六年夏四月流道士軒轅集於嶺南

集或曰博羅人詳仙釋志傳○時宣宗卽

位趙歸真伏誅遂併流集

宣宗皇帝太中二年貶鄭亞爲循州刺史

按太中元年十月李德裕貶

潮州司馬綱目分註云吳汝納訟其弟湘枉殺故貶而本傳又以二年九月再貶崖州司戶爲坐此事則亞之貶當同時今定以二年書之○亞字子佐永陽人爽邁有文李德裕高其才及守浙西辟署幕府擢監察御史至給事中德裕罷相出爲桂管觀察使坐吳湘獄不能直冤貶

十一年冬十月遣使迎軒轅集於羅浮山

懿宗皇帝咸通十三年貶崔沆爲循州司戶叅軍

沆字內融宰相

鉉之子累遷中書舍人時韋保衡逐于琮沆亦貶後僖宗召還拜同平章事○按于琮咸通十三年二月罷五月貶韶州刺史今定以是年書之

後唐明宗天成

羅浮山民獲古劍

羅浮民掘地獲一古劍有文曰已與水同宮王

將耳口同尹來居口上山上護重重以獻僞主劉陟國
人莫之辨及宋平廣南競傳其言知者云太祖以已亥
年降誕是已與水同宮也耳口王為聖尹
口為君重山為出蓋已亥年聖君出也

後漢長興三年

南漢大有五年漢主龔封其子宏杲為循王

時龔封子十
九人為王宏

杲龔第十子也

晉高祖天福七年

南漢光天元年秋七月循州盜起漢主玠遣其弟宏昌

宏杲討之不克

有神降於博羅縣民家縣吏張遇賢事
之甚謹時循州盜賊羣起莫相統一共

禱於神神大言曰張遇賢當為汝主於是羣盜共奉遇
賢稱王改元攻掠海隅然遇賢年少無他方畧諸將但
告進退而已漢遣越王宏昌循王宏杲討之戰不利為
賊所圍指揮使陳道庠等力戰救之得免走東方州縣
多為遇賢所陷

南漢主建天華宮於羅浮山

宮在山之西蘇軾曰南漢主
建有甘露羽蓋等亭雲華閣

命中書舍人鍾有章作記初南漢主夢神人指羅浮山之西去延祥寺西北有兩峯相壘一洞對流可以爲宮訪之得其地又夢金龍起於宮所遂改爲黃龍洞此地卽葛仙西庵至宋朝革命四方僭叛以次誅服劉氏懼焉將欲潛遁羅浮爲狡兔之穴又命於增江水口鑿濠通山往來山崗倉卒爲航舟之計開寶四年乃始歸命則知劉氏爲寶宮於山間無事則爲臨賞之樂警急則爲遁逃之所其計窘矣

宋太宗皇帝端拱元年古成之舉進士

成之河源人五季未避地貫增城籍

宋初廣南人舉進士自成之始

仁宗皇帝皇祐四年惠州盜起廣東轉運使王罕收募爲

兵遂討廣寇儂智高走之

儂智高寇廣罕行部在潮廣守仲簡自圍中遣書邀罕罕

報曰吾家亦受困非不欲歸顧獨歸無益當求所以相濟者遂還惠州之惡少年正相率爲盜里落驚擾惠人要罕出城及郊求救護者數千計罕擇父老可語者問以策曰吾屬皆有田客欲給以兵使相保聚罕曰有田客者如是得矣無者奈何乃呼者長發里中民補壯丁每長二百人又令邑尉增弓手二千已刻下令約申

而集募有方畧者許以官秩金帛使爲里首久之無至者有婦人訴僕奪釵珥捕得之并其徒十八輩皆梟首決口置道左使人傳曰此耆長所發壯丁不肯行者也觀者大怖遂應命得六百人尉所部亦至於於是染庫帛爲旗授之割牛革爲盾形柔之湯中削竹籤十六穿于革以木爲鼻使持以自蔽斷苦竹數千銛其末使操爲兵悉出公私戎器仍檄屬城做行之眾大振向之惡少年皆隸行伍無敢動者惠之盜不討而平矣乃遂簡卒三千建旗伐鼓順流而下及將至廣悉眾登岸斬木爲鹿角積高數仞營于南門智高擄黃蓋臨觀相去三十步見已嚴備不敢犯罕遂排門而入智高解去時南道郵驛斷絕罕上事不得通而提點刑獄鮑軻遁處南雄數具奏及賊平軻受賞罕謫監信州酒安撫使言罕實有功復以爲西路轉運使

六年惠循州始置槍手

廣惠梅潮循五州以戶籍置戶三等以上免身役四等以下免戶役

歲以十月一日集縣閭教治平元年詔所在遣官按閱一月罷有闕卽招補不足選本鄉有武技者充

神宗皇帝熙甯元年廣東轉運判官周敦頤行部至

敦頤熙甯

初廣東轉運判官提點刑獄行部不憚勞苦雖荒崖絕島人蹟所不至亦緩視徐按以洗冤澤物爲已任

十年秋八月惠州言柚木有文

文曰王帝萬歲天下太平

哲宗皇帝紹聖元年夏四月貶蘇軾爲甯遠軍節度副使

惠州安置

詳流寓傳

秋七月颶風三日

蘇過賦紀其事

徙化州別駕蘇轍於循州

詳流寓傳按轍安置化州在紹聖四年二月是年六月改明年

爲元符元年而考轍二年夏秋俱在循州有記事其移循當是元符初紀傳未著姑附于此

欽宗皇帝靖康元年夏四月朱勔有罪安置循州

勔蘇州人始附

蔡京以花石綱進奉得幸徽宗勢焰薰灼時謂東南小朝廷帝末年益親任靖康之難欲爲自全計倉卒擁上皇南巡且欲邀至其第欽宗放歸田里籍其貲財田至三十萬畝言者不已羈之衡州徙韶州循州遣使卽所至斬之

高宗皇帝紹興二年春三月竄徐秉哲於惠州

張邦昌既僭逆卽以

秉哲權領中書省邦昌詣金營秉哲從行金師遷御史馬伸請奉迎康王邦昌從之王時雍曰夫騎虎者勢不得下所宜熟慮秉哲從旁贊之高宗立責管梅州安置至是又貶惠州居住

夏四月盜陳容圍循州焚龍川縣冬十一月容復犯循州

十二月虔賊謝達犯惠州○以羅從彥爲博羅縣主簿詳名

宦傳

三年海寇黎盛犯循惠等州命集諸路兵討滅之盛初犯廣州城

縱火官軍莫敢前潮循惠均受害朝廷始命申趙單韓四分統兵滅之

四年春正月蠲循惠二州被兵家租賦

秋八月盜周十隆出降官軍掠之復犯循州

六年冬十月惠州盜曾袁作亂統制韓京襲破之袁降

九年夏六月編管澧州推官韓紉於循州紉上書論辨相議非計故竄之

編管攝歸善縣令高登於容州

登字彥先漳浦人宣和間為太學生金人犯京師登

與陳東上書乞斬六賊紹興二年廷對有司惡其直授富川主簿已而廣漕鄭兩趙不棄辟登攝歸善令遂遣主試登摘經史要語命題策問浙木災所由郡守李仲文即馳達秦檜檜震怒坐以他事取旨編管容州漳州遣謝大作持省符示登登讀畢即投大作上馬大作曰少入告家人無害也登曰君命不敢稽大作愕然比夜巡檢領百卒復至登曰若朝廷賜我死亦當拜教而後就法大作感登忠義為泣下奮劍叱巡檢曰省符在我手中無他語也汝欲何為吾當以死捍之高不棄亦坐鐫一官登謫居授徒以給家事一不介意惟聞朝廷所行事小失則顰蹙不樂大失則慟哭隨之臨卒所言皆天下大計○按鄭高紹興十二年趙不棄十三年至廣故繫于此

十九年夏五月減循惠等州免行錢

二十年冬十月編管右廸功郎安誠於惠州

時秦檜在位坐文字訕謗

竄之

二十五年冬十二月停王會官循州編管秦檜既死臺諫湯鵬舉等累疏

言檜之奸請逐其親黨于是知建康府王會等六人俱以詔附貪橫罷逐

孝宗皇帝乾道二年秋九月配李允升於惠州牢城允升知上

元縣犯賊貸死杖脊刺面配惠州牢城仍籍沒其貲

三年秋八月內侍陳瑜配循州瑜李宗回俱內侍坐交結鎮江都統制戚方受賂瑜

除名決杖黥面配循州宗同除名筠州編管方責授果州團練副使潭州安置籍所盜庫金以犒軍

八年夏六月丙辰颶風大作壞海艦三十餘時樞密院調廣東經畧司水軍四艦覆其

三死者一百三十餘人

清熙元年慶雲見知州王甯上其事

七年廣東提舉楊萬里討茶寇沈師於河源循州平之按萬里

里以是年二月至廣故繫之○萬里字廷秀吉水人提舉廣東嘗平會茶寇沈師犯南粵萬里合諸郡兵愿翁

源河源山谷中直抵循梅剿平之孝宗稱之曰仁者之
勇遷提點刑獄每於惠州延民瘼問風俗請於潮惠二
州築外砦潮以鎮賊
之巢惠以扼賊之路

十一年夏四月循州不雨至八月

甯宗皇帝開禧三年冬十一月鄧友龍除名流循州

韓侂胄建

恢復之議友龍首附和之以爲兩淮宣諭使升宣撫使
及諸路師敗乃罷友龍至是仇胄伏誅再奪友龍五官
南雄州安置等
除名徙循州

理宗皇帝紹定元年流賊犯興甯縣令顏公袞主簿徐千

能死之

詳名
宦傳

端平

年闕

廣州統領熊喬部卒作亂犯博羅縣令鄭勲死之

詳名
宦傳

淳祐九年惠州廟學災

景定二年秋七月竄吳潛於循州先是詔黨丁大全吳潛

時賈似道專攻何夢然孫附鳳桂錫孫劉應龍承順風旨凡為似道所惡者無賢否皆斥帝弗悟為下是詔已安置潛于潮州至是復責授化州團練使徙循州

三年夏六月故相吳潛暴卒於循州賈似道恨潛必欲殺

守循以毒潛潛既沒似道歸罪宗申貶之以塞外議仍許潛歸葬詳流寓傳

度宗皇帝咸淳九年夏六月竄俞興子大忠於循州汪立

襄樊之敗由范文虎及俞興父子興務復私怨激叛劉整流毒至今其子大忠挾多資為父行賂且自希進雖寸斬未足以快天下之忿乞寘重典以激人心詔除大忠名追毀出身文字循州拘管

帝昀德祐元年秋七月放賈似道於循州未至監押官鄭

虎臣誅之似道既免三學生及臺諫皆上疏乞誅之太后不許至是王爚翁合等復論不已乃責授

高州團練副使循州安置籍其家遣使監押之貶所會稽縣尉鄭虎臣請行似道行至漳州虎臣拉殺之